

COFNODION MEHEFIN 2008

DYDDIAD	Nos Fercher, 18fed Mehefin, 2008
AMSER	7yh
LLEOLIAD	Neuadd RHOSTRYFAN
AELODAU’N BRESENNOL	Jason Hunt (Cad), Tom Ellis, Gwilym L. Williams, Meurig Williams, Huw Williams, Elwyn Jones, Gwilym V. Thomas, Elin Evans, Neal Williams
HEFYD YN BRESENNOL	Cyng. Aeron M. Jones Clerc: Bethan Williams

1. **Ymddiheuriadau**
Nerys Evans, Jane Eryl Jones
2. **Croeso**
Croesawyd pawb i’r cyfarfod.
3. 1 **Datgan Buddiant**
HW – cae chwarae Rhosgadfan
4. **Cadarnhau cofnodion**
Cadarnhawyd cofnodion cyfarfod gynhaliwyd ar y 14eg o Fai fel rhai cywir.
5. **Materion i’w trafod:**
 - a. GVT – torri gwair yn cae chwarae Rhosgadfan. Cafwyd trafodaeth ynglyn â’r ffordd ymlaen efo’r broblem flynyddol, h.y. fod y gwair yn rhy hir i blant chwarae. Derbyniwyd nifer o gwynion gan bobl y pentref. Un gwyn benodol oedd fod y giât i’r cae wedi’i chloi. Nododd HW nad ydy’r giât erioed wedi cael ei chloi – mae tsiaen wedi’i roi o gwmpas y giât ond gellir ei godi dros y pilar a chael mynediad i’r cae. Nododd GLW fod wedi cael enw person sy’n fodlon mynd yno i dorri’r gwair. Nododd HW nad ydio’n meddwl y byddai’r person yma’n ei wneud am ddim, ac nad oes unrhyw arian gan y pwyllgor i dalu am wneud y gwaith. Awgrymodd nad oedd rhieni a phentrefwyr yn fodlon mynd i’r cae i wneud y gwaith. Nododd y clerc ei bod wedi ysgrifennu at y pwyllgor cae chwarae yn gofyn wrthynt wneud cais am arian gyda chopi o’u mantolen i’r cyngor, ond ni ddaeth cais i law. HW am drefnu cyfarfod o’r pwyllgor i geisio symud ymlaen ac i adrodd yn ôl i’r cyngor yr wythnos nesaf. Clerc i drefnu pwyllgor pellach yn dilyn argymhellion a ddaw o’r pwyllgor cae chwarae.
 - b. MW – cerrig mân yn rhydd ar wyneb y ffordd o dan ‘Rafon hen a thyllau yn y fordd i fyny am Bronallt. Clerc yn mynd i atgoffa Meirion Williams, Cyngor Gwynedd eto.
 - c. JEJ – diffyg goleuadau y tu allan i Ganolfan Llanwnda
 - d. JH – wedi derbyn cwyn fod llwybr Cae Coch angen sylw. Clerc wedi cerdded y llwybr, ac ni welodd fod problem.
 - e. Arwydd sy’n dynodi ‘anaddas i gerbydau mawr’ ar Lôn Ty’n Clwt, Rhos Isaf wedi’i adnewyddu.

Cyngor Cymuned Llanwnda

- f. Lein Bryngwyn – copi o lythyr anfonwyd at gyfreithwyr George Morgan gan gyfreithiwr y Cyngor Sir yn awgrymu nad oes gan George Morgan hawliau ar y lein. Bwriedir felly barhau gyda'r trafodaethau efo Rheillfordd Eryri i greu llwybr cyhoeddus ar hyd y lein.
- g. Materion godwyd gan AMJ efo Cyngor Gwynedd: 1. Ceisiadau Cynllunio: awyddus i beidio cael y ceisiadau cynllunio canlynol i'w penderfynu gan swyddogion dan hawliau dirprwyedig: Hafoty Ty Newydd, defnyddio tir i gerbydau 4 x 4 a thir ger Gorffwysfa, Rhosgadfan ar gyfer datlbygiad tai fforddiadwy; 2. croesffordd Ffrwd Cae Du – wedi derbyn ymateb yn nodi nad ydy'n fwriad gan Gyngor Gwynedd i greu 'lane' ychwanegol i'r chwith gan fod ffordd osgoi yn yr arfaeth – AMJ i bwysu eto o ystyried 5j isod; 3. arwyddion electroneg – trefnu fod swyddog diogelwch ffyrdd yn checio'r arwyddion yn fuan, ac wedyn, os bydd yr arwyddion yn gweithio, bydd angen talu amdanynt, ni fydd y cyngor sir yn cymryd camau cyfreithiol hyd nes bydd yr archwiliad wedi'i gwblhau; 4. arwyddion ar y ffordd ger cylchfan Y Goat – AMJ i bwysu eto ar Y Cynulliad i drefnu fod arwyddion yn dynodi Pwllheli a Chaernarfon ar y ffordd, ac i gael arwyddion sy'n nodi fod cerddwyr yn croesi'r ffordd osgoi; 5. giât cae chwarae Saron – bydd y gwaith hwn yn digwydd yn fuan; 6. gwaith lledu rhwng Rhostryfan a Rhosgadfan – AMJ wedi gwneud cais ar Gyngor Gwynedd i gael Dinesh i weithio fel prif beiriannydd ar y prosiect i geisio gwella'r sefyllfa.
- h. Gohebiaeth rhwng Meirion Williams a'r clerc ynglyn â thorri gwrychoedd. Nodwyd fod angen i'r gweithwyr gael tystysgrif arbennig ar gyfer torri gwrychoedd. Clerc i holi'r cyngor am bris i wneud y gwaith.
- i. Llythyr ddaeth drwy safle We Llanwnda yn gofyn am fanylion aelodaeth ac ati.
- j. ARUP – cyfarfod wedi bod ar y 5ed o Fehefin – AMJ wedi mynychu'r cyfarfod ac yn nodi nad ydy'n debygol y bydd y gwaith ffordd osgoi yn cychwyn tan o leiaf 2014. Ymgynghoriad pellach yn gorfod digwydd. Adroddiad ARUP ar gael gan y clerc.
- k. BT – cyfnod ymgynghorol ynglyn a chau ciosgs yn yr ardal – yn benodol ciosg ger y Goat a ciosg Rhostryfan. Os oes gan unrhyw un sylwadau i'w wneud, bydd angen eu gwneud cyn 8fed Awst. Aelodau'n teimlo nad oes digon o ddefnydd yn cael eu gwneud o'r ciosgs i gyfiawnhau eu gadael ar agor.
- l. Llythyr yn cwyno am gyflwr cysgodfan fysiau Rhosgadfan. Penderfynu tynnu'r gysgodfan i lawr a chlirio'r safle.
- m. Cwyn ynglyn â phlant a phobl ifanc yn crwydro tu ôl i dai Bro Gilbert, Rhostryfan – AMJ yn mynd ar ôl yr Adran Dai i geisio datrys y broblem. Clerc i gysylltu efo'r Heddlu i gadw golwg ar y sefyllfa.
- n. Copi o lythyr anfonwyd gan Elwyn Vaughan, Cymad at Alun Ffred Jones, AS yn nodi nad oes bellach modd defnyddio arian WEFO i orffen gosod y gridiau yn y Fron a Carmel. Gobeithir y bydd modd i Gyngor Cefn Gwlad helpu.
- o. Cafwyd cyfarfod ar safle camfa ger Tan y braich a Pen Muriau, Rhosgadfan rhwng John Griffiths, Aeron M.Jones, Gwilym V.Thomas a Neal Williams. Daethpwyd i'r canlyniad nad ydy'r gamfa yn addas i'r pwrpas ac ei bod yn groes i'r cynllun cynllunio gwreiddiol oedd yn nodi mai giât oedd i fod ar y safle. Clerc i ysgrifennu i Gyngor Gwynedd, Cymad ac i Alun Ffred Jones AS i nodi'r ffaith.
- p. Cynnig wedi dod gerbron i gyfeillio Llanwnda/Llandwrog gyda Erdeven ger Carnac yn Lorient, Llydaw. Angen ymchwilio ymhellach.

Cyngor Cymuned Llanwnda

- q. Arwyddion stryd – AMJ am gael rhestr o arwyddion sydd angen eu newid neu hadnewyddu.
- r. Ar hyn o bryd mae tâl yn cael ei godi am daflu deunydd megis gwelyau, rhewgelloedd ac yn y blaen. AMJ wedi gwneud cais i gael diddymu'r tâl i osgoi 'fly tipping'.

6. **Derbyn Adroddiadau:**

7. **Is-bwyllgorau:**

8. **Materion Ariannol**

Cyfri Cadw:	24,675.89
Cyfri Siec:	434.32
CYFANSWM	25,110.21

Taliadau:

Cyflog/costau clerics – mis Mehefin	395.15
Cyllid y Wlad (talwyd gormod o £150.14 llynedd – arian yn ôl oherwydd ein bod yn gwneud y taliadau diwedd blwyddyn ar-lein)	44.56
Wyn Williams	324.00
Siôn Owen	400.00

Eto i'w dalu: Cyngor Gwynedd – bil a rhybudd am yr arwyddion LED (dal yn ôl ar y taliad hyd nes bydd yr arwyddion wedi'u trwsio). 8918.89

Cais am nawdd – Childline – i'w drafod ym mis Hydref
Tystysgrif gwerthfawrogiad nawdd British Heart Foundation

Materion Cynllunio

CO8A/0348/24/CR + CO8A/0349/24/LL– Ty Hen, Llanwnda – newid defnydd o swyddfeydd i ddefnydd fel meithrinfa sefyledig gerllaw a defnydd mân werthu – eto mae gan yr aelodau gonsern am y fynedfa. Pryderus am y cais i newid defnydd ar gyfer mân werthu – nid ydynt yn teimlo fod y safle yn addas.

Dim gwrthwynebiad i'r canlynol

CO8A/0318/24/YA – Garth y Gro, Dinas – hysbysiad ymlaen llaw am benderfyniad am ddatblygiad amaethyddol neu goedwigaeth.

Eisoes wedi'u caniatáu:

Codi sied amaethyddol – Cae Penrhos, Rhosgadfan

Codi sied amaethyddol – Parc Newydd, Rhosgadfan

Dymchwel modurdy presennol a chodi un newydd – Ty'n Rhosgadfan, Rhosgadfan

Cyngor Cymuned Llanwnda

Gohebiaeth:

- a. Cyfadran Adnoddau – sesiynau hyfforddiant ar y Côt Ymddygiad Newydd – gwahoddiad i glercod a holl aelodau'r cyngor fynychu: 25.06.08 – Caernarfon; 30.06.08 – Pwllheli (sesiynau Cymraeg) neu 7.7.08 Caernarfon (sesiwn Saesneg). Canlynol yn mynd i fynychu: 30ain Mehefin – Tom Ellis, Bethan Williams, Elin Evans; Gorffennaf 7fed – Gwilym V.Thomas, Meurig Williams, Huw Williams, Gwilym L.Williams, Elwyn Jones a Jason Hunt.
- b. Cyfadran yr Amgylchedd – gwarchod trefniadau i ddarparu gwasanaeth mewn argyfwng – fflw bydeang. Clerc i drefnu is-bwyllgor mynwent i drafod trefniadau argyfwng.
- c. Newyddlen Cyngor Gwynedd – adeiladu i'r dyfodol – gwasanaeth preswyl i bobl hŷn Gwynedd – clerc i'w anfon at Jane Eryl Jones.
- d. Cyngor Cefn Gwlad Cymru – gwybodaeth am eu gwasanaeth
- e. Un Llais Cymru – angen help ar stonidin Eisteddfod Genedlaethol Caerdydd
- f. Cynulliad – cais am wybodaeth ynglyn ag unrhyw hysbysiadau cosb benodedig
- g. Cyngor Iechyd Cymuned – strwythur newydd i'r GIG yng Nghymru – papur ymgynghori
- h. Gwynedd ar y Cyd – gwahoddiad i fod yn rhan o'r grwp sy'n trafod y strategaeth gymunedol.
- i. Ombwdsman Cymru – adroddiad blynyddol
- j. Is-bwyllgor Cymunrodd Elizabeth Hughes – gwahoddiad i'r pwyllgor nesaf – 2.7.08 – Ystafell Glyder Fawr, Penrallt 5.15p.m.
- k. Hywel Williams, AS – llythyr yn gofyn am gael dod i'n cyfarfod naill ai fis Medi neu Hydref – clerc i gysylltu i anfon gwahoddiad.
- l. Cylchgronnau

9. Materion i'w trafod yn y cyfarfod nesaf:

- a. EE – dwr ar y ffordd yn Llanwnda
- b. EIJ – 2 ddrych ger y siop a ger Ty Nant yn Rhostryfan angen eu hadnewyddu
- c. Tanrallt, Rhostryfan – AMJ yn mynd i ymchwilio ymhellach ynglyn a'r olew sy'n cael ei gadw ar y safle
- d. MW – torri gwair oddi fewn i bentref Rhosgadfan
- e. NW – ffordd ger Lloches, Rhosgadfan wedi cychwyn dirywio, clerc i ymholi.
- f. GLW – llwybr rhwng Rhandir Mwyn a Tyddyn Canol angen ei dorri
- g. GLW – coed Brynglas angen eu torri
- h. JH – arwydd Bro Gilbert yn cael ei guddio gan or-dyfiant
- i. GVT – awgrymu anfon llythyr o ddiolch i Glyn Owen am ei waith, cytunodd yr aelodau ei fod wedi gwneud gwaith da iawn dros y blynyddoedd

Daeth y cyfarfod i ben am 9.15